

BURLATA

D ereduko ikasleendako 2016-2017ko ikasturtean udako euskarazko kanpaldietarako diru-laguntzak. Onespena

Udaleko alkateak 607/2017 Ebazpena eman du 2017ko ekainaren 30ean. Hona hemen haren testua:

“Burlatako Udalak, Euskara Alorraren bitartez, euskara ikastea sustatzeko jarduerak bultzatu nahi ditu eta, hortaz, ikasketa horien gastuak finantzatzeko ditu, hein batean.

Hura ikusirik, Burlatako Udalak diru-laguntzak emanen ditu euskaraz osorik egiten diren udako kanpaldietan parte hartzeko, oinarriak arautzen dituen udal ordenantzari jarraikiz. Hura 2015eko 156. Nafarroako Aldizkari Ofizialean argitaratu zen, abuztuaren 11n.

Horiek horrela, eta legez eman zaizkidan eskumenak erabiliz,

EBATZI DUT:

1.–Onestea D ereduko ikasleendako 2016-2017ko ikasturtean udako euskarazko kanpaldietarako diru-laguntzak.

2.–Hura Nafarroako Aldizkari Ofizialean argitaratzeko agintzea, eduki honekin:

Deialdiaren xedea: Hein batean finantzatzea D ereduko ikasleendako antolatzen diren euskarazko kanpaldietan parte hartzeak dakarren gastua; horietan edukiak ludikoak, kirol arlokoak eta/edo natura arlokoak izanen dira.

Deialdi honetatik aparte daude:

Zuzenean edo zeharka Burlatako Udalaren bitartez kudeatzen direnak, edo Udalak diruz laguntzen dituenak, jada murriztua baitute diru-laguntza kuotatik.

a) Txangoak edo bidaiak.

b) Herrian edo herritik hurbil gauzatzen diren beste jarduera batzuk, barnetegirik behar ez dutenak.

Eskatzaileen betebeharrak:

Diru-laguntzak eska ditzakete eskabideak aurkezteko epea bukatzen denean honako baldintza hauek betetzen dituztenek:

a) Lehen Hezkuntzako edo DBHko ikaslea izatea.

b) D ereduko ikaslea izatea (eskola publikoan edo ikastolan).

c) Burlatan gutxienez ere urtebete erroldaturik egotea deialdia argitaratzen den egunean.

–Burlatako Udalarekiko zerga betebeharrak ordainduta izatea. Udalak ofizioz egiaztatuko du inguruabar hori eta behar den eginbidearen bitartez jasoko. Era berean,

diru-laguntza emateko proposamena egin aurretik, ofizioz egiaztatuko da interesdunak ez duela Udal Diruzaintzari itzuli beharreko zenbatekorik.

Deialdi honetatik kanpo geratzen dira, espresuki, honako hauek:

a) Diru-laguntzen hartzaile edo lankidetzak hitzarmenen sinatzaile izanik, Burlatako Udalarekiko betebeharrak urratu edo bete ez dutenak, aurreko bi ekitaldietan.

b) Oro har, aurreko puntuan zehazturiko oinarritzko baldintza horietakoren bat betetzen ez dutenak.

Ez dira dokumentu bidez frogatu beharko udal agiritegietan bilduta dauden alderdiak, azken lau urtean aldaketarik egon ez bada, oinarrietan berariaz eskatu ezean betiere.

Entitateek diru-laguntzak eskatzen ahal dituzte, eskaerak aurkezteko epea bukatzen den egunean beharkizun hauek betez gero:

Eskaerak non eta noiz aurkeztu:

Eskaerak eskabidearen bitartez aurkeztuko dira, eskatzaileak sinatuta eta ondoko hauek erantsita:

Eskabideei dokumentazio hau erantsi beharko zaie:

–Eskatzailearen edo aitaren/amaren/legezko tutorearen NANaren fotokopia.

–Familiaren diru-sarrera gordinen frogagiria (2016ko errenta aitortpena).

–Adingabeak zein ikastetxetan ikasten duen, hango eskolatze ziurtagiria, non agertuko baitira ikastetxearen izena eta hizkuntza ereduak.

–Kanpaldia antolatzen duen entitatearen ziurtagiria, non kanpaldiaren baldintzak zehaztuko baitira -euskarari emandako tratamendua eta hizkuntza helburuak, iraupen datak, jardueren programa edo liburuxka-, bai eta bertan egon izanari buruzko ziurtagiria ere.

–Matrikularen ordainagiria (banketxeak luzatua), matrikularen %100 ordaindua dagoela dioena.

–Diru-laguntza zein banku-libretatan jaso nahi den, haren lehenbiziko orrialdearen fotokopia (IBAN zenbakia).

Agiri guztiak jatorrizkoak edo kopia konpultsatuak izanen dira.

Eskabideak aurkezteko epea 2017ko urriaren 1etik 31ra da. Eskaerak aurkezteko epea ezin izanen da luzatu.

Eskabideak Burlatako Udalaren Erregistro Orokorrean aurkeztuko dira (Larrainetako plaza, zk.g., 31600 Burlata) edo Herri Administrazioen Araubide Publikoari eta Administrazio Prozedura Erkideari buruzko Legearen 38. artikuluan aipatu moduetako batean.

Testu honetan arautu ez den orotan, oinarri arautzaileetan ezarritakoari lotu beharko zaizkio eskatzaileak. Oinarri horiek 2015eko 156. Nafarroako Aldizkari Ofizialean argitaratu ziren, abuztuaren 11n.”

Burlatan, 2017ko ekainaren 30ean.—Alkatea, José María Noval Galarra.